





康熙四十七年戊子正月初一日巳酉寅時



三原仲夏所澤內  
日國錄錄典註冊之二

上以元旦令節率諸王貝勒貝子公內大臣侍衛  
大學士都統尚書精奇尼哈番等詣



堂子行禮畢回

宮辰時

上率諸王貝勒貝子公內大臣侍衛大學士等詣  
可宮行禮各文武官員俱於

午門外隨班行禮畢

上回宮頃之

上御中和殿內大臣侍衛內閣翰林院禮部都察院詹事府等衙門官員行慶賀禮

上御太和殿諸王貝勒貝子公文武官員及

朝正外藩蒙古諸王貝勒貝子公台吉朝鮮等

國陪臣進

表行慶賀禮畢

上回宮

是日

起居注官撰叙史夔

初二日庚戌巳時

上由神武門出西直門至

暢春園駐蹕

是日

起居注官阿爾法蔣廷錫

初三日辛亥

初四日子子

初五日癸丑

初六日甲寅是日領侍衛內大臣大學士各

部院大臣赴

暢春園白奏事治儀正僕子主事雙全轉奏曰

皇上蒞政四五十載凡遇祀典皆親臨致祭未嘗

有悞

皇上誠敬之心非惟宇內共知

天地無不感格請於此次祭

祈穀壇暫停

躬親齋祭遣官行禮

諭曰朕躬甚康強且祀

祈穀壇所以禱求五穀也朕不可以不親祭諸臣

奏曰

聖躬方祭

圜丘尚未匝月

圜丘與

祈穀壇無異則

親祀

圜丘與

親祀

祈穀壇無異

皇上親臨齋祭甚屬勞頓臣等心實有所未安請

此一次暫停

躬親齋祭

諭曰昔日朕至冬時則頭微暈自前歲以來頭暈  
止矣朕從來不作誑言今朕躬大佳可以早起  
可以晏息又且善飯不但左右知之即外廷亦  
知之果身體不支或有困倦朕自傳諭諸卿暫  
停躬親齋祭何故勉強臨祭乎今叨天庥朕躬  
安好可不親祭耶朕當親祭諭諸臣毋再瀆奏  
是日

起居注官海寶蔣廷錫

初七日乙卯

初八日丙辰

初九日丁巳

初十日戊午辰時

上由西直門進神武門回

宮自是日起以祀

祈穀壇

上齋戒三日

是日

起居注官阿爾法蔣廷錫

十一日己未

是日

起居注官塞爾圖蔣廷錫

十二日庚申早

上臨太和殿視祭

祈穀壇祝版畢回

宮

是日

起居注官海寶蔣廷錫

十三日辛酉早

上親詣

祈穀壇祭畢回

宮午時

上由神武門出西直門至

暢春園駐蹕

是日

起居注官塞爾圖徐元正

十四日壬戌午時

上御暢春園內萬樹紅霞以上元節

賜朝正外藩蒙古諸王左翼科爾沁和碩卓禮

克圖親王巴忒馬科爾沁和碩達爾漢親王

額駙班第科爾沁多羅扎薩克圖郡王俄齊

爾翁牛特多羅郡王額駙蒼津高齊忒多羅

郡王雅木批爾扎魯特多羅貝勒畢魯瓦烏



朱穆秦多羅額爾德尼貝勒博木布土默特  
貝子班第扎魯特護國公巴圖喀喇沁輔國  
公沙木巴喇什科爾沁和碩額駙多爾濟塞  
稜一品台吉畢立克圖等右翼巴林多羅郡  
王吳爾渾阿霸垓多羅郡王吳爾占噶喇卜  
喀爾喀多羅郡王額駙端多卜多爾濟喀爾  
喀多羅郡王納木扎爾瑚瑚腦兒多羅貝勒

盆素克汪扎爾喀爾喀貝子布達郭爾羅斯輔國扎卜公莽

色毛明安和碩額駙策陵教漢多羅額駙扎

木素喀喇沁多羅額駙門篤阿魯科爾沁三品台吉俄齊

爾圖等及內大臣侍衛大學士等

宴請衆並作

上進酒畢外藩蒙古左右兩翼諸王以下

台吉以上俱於坐次諸侍衛分觴授飲宴畢

謝

恩

上回宮

是日

上詣

澹泊為德行宮問安

是日

起居注官阿爾法海寶

十五日癸亥午時

上御暢春園內萬樹紅霞

賜朝正外藩蒙古左右兩翼諸王貝勒貝子公

台吉及內大臣侍衛大學士等

宴諸樂並作

上進酒外藩蒙古左右兩翼諸王以下台吉以上

俱於坐次諸侍衛分觴授飲宴畢謝

息

上回宮

是日

上詣

澹泊為德行宮問安

是日

起居注官塞爾圖海寶

十六日甲子

十七日乙丑卯時開印自是以後

上駐蹕暢春園部院各衙門奏章每日交內閣轉

送

暢春園聽理應面奏事件仍行面奏

是日

上詣

澹泊為德行宮問安

十八日丙寅

十九日丁卯

二十日戊辰

二十一日己巳

是日

上詣

澹泊為德行宮問安

二十二日庚午辰時

上御暢春園內澹寧居聽政部院各衙門官員面

奏畢都察院僉都御史勞之辨入奏以江浙

米價騰貴良由內地之米為奸商販往外洋

所致請暫嚴禁一概不許商船往來且疏條陳

上領之勞之辨出大學士馬齊溫達張玉書陳廷  
敬李光地禮部侍郎仍兼官學士事襄衍黑壽學  
士蔡升元二格舒圖王之樞楊瑄宋大業以  
折本請

旨

上顧大學士等曰今日勞之辨條奏請禁內地之  
米販往外洋聞內地之米運往外洋者極多勞

之辨條陳甚善但未有禁之之法其出海商船  
何必禁止洋船之行俱有一定路境不能妄行  
當嚴守上海乍浦及南通州等處海口如查獲  
私販之米姑免治罪米俱入官則販米出洋者  
自少矣

上又曰朕因巡行各省知地方風俗甚晰北方收  
麥較秋成收穀為愈凡人日食一餐即不再食

亦可南方則不然去年麥曾豐收人雖窘迫無  
比斷斷不肯食麥但覓白米為糧收麥用以釀  
酒晝必三餐夜復飲酒一次雖使南方人自言  
之彼亦皆以為非知其非而斷不能止此皆各  
處土風不易改者也且南方潮濕不便窖藏米  
穀是以家鮮積儲凡百食物俱出購買又見直  
隸地方屢歲豐熟然米價未嘗大減皆因田不

加增人益蕃庶四方工商僧道游食之人雲集  
而米為之分散故也昔天下荒蕪之田閒曠之  
土甚多今惟四川一省則畧有之他省皆耕為  
田土無閒曠可見人口孽息甚繁矣但編審之  
年人皆匿報不使增丁若增丁則增糧民不能  
堪此亦不必細校也馬齊等覆請九鄉遵

旨議將江西湖廣漕糧截留三十萬石撥給江寧

蘇州松江各十萬石平價糶賣一疏覆請

上曰此所議截留米數畧少著於常州府再截留

米五萬石此外更有當截留者否爾等可與九

卿會議米奏刑部又覆請自所題臣等伏見

皇上自御極以來旰食宵衣無時不以民生屛念

而慎重刑獄尤無刻不以民命為心故外而

各督撫之奏讞內而三法司之會審必詳加

核擬或

命九卿科道叅定折衷而又時頒

特旨停秋決之期俾各省重囚延歲月之命及每

歲

朝審勾決之日

聖心猶加憫惻反覆裁酌多所寬免凡人命強盜

覆奏止誅首惡為從者多免死減等發落共

計一萬七千一百餘人仰見

皇上仁民愛物之心包含遍覆之德如乾坤之長  
養萬物如父母之保護赤子哀矜惻怛委曲  
生全伏乞

宣付史館使海隅日出咸戴

帝德其因文簿委積查驗未周者容臣等陸續咨  
送更請於每歲冬季將一年減等人犯查明

細數造冊移報史館俾億萬世奉為楷模

上曰凡事真實始善免死者雖多而所誅亦不可

云少且減等犯人數目具在部冊又另記載則

多一事矣本著發還馬齊等以浙江巡撫王然

所題大藍山哨聚流人一夥行劫味縣蘆田

村殺柯紹昌一人又行劫慈谿縣上虞縣官

兵前後斬殺賊人四名擒獲賊人李元龍等



十五名等因奏

聞摺子呈

覽

上曰卿等之意云何馬齊等奏曰前者江南題報擒獲搶劫陸三就家之盜

皇上即為浙江預籌已俱有

旨諭知矣亦將此責地方大寮掃除寮緝而已

上曰此摺當存之朕曾聞有如許無藉為盜而問之江浙現任官員以及鄉紳俱云不知及交織造官員株訪亦云不知者何也李光地等奏曰賊人出沒之境人所莫測故皆不之知果其知之賊自當斂迹矣然而地方武臣固所當知也

上曰身為地方官而不知賊情其所司何事耶是

以朕因江浙多盜於去年七月間有諭旨往詢督撫也

上復問大嵐山者何張玉書等奏曰大嵐山者即

四明山中之一山也

上曰四明山不通舟楫糧運難到盜賊不能久棲前者朕巡行陝右見有山險而深者問提督潘育龍等曰似此之山倘有盜賊竊伏何以攻之

潘育龍等奏曰似此山中盜賊斷不能竊伏官兵無水盜賊亦無水自古以來戰必於戰地而後戰不攻其所不可攻也潘育龍等乃歷經戎馬之人所奏如此其言甚是昔擊騰機思在昭莫多之地後擊噶爾丹亦在昭莫多之地以此觀之仍戰於戰地也至大同渾源州左衛俱素稱難攻之城

太宗文皇帝時三攻大同而不拔後姜勳反亦攻大同而不拔逮圍之糧絕始克其城以是觀之自古及今難攻之城仍難攻也是日

賜荊州副都統牛鈕鞍馬一匹

是日

起居注官塞爾圖陳壯履

二十三日辛未

二十四日壬申

二十五日癸酉

二十六日甲戌是日

是日

上詣

<sup>澹</sup>泊為德行宮問安

二十七日乙亥辰時

上御暢春園內澹寧居聽政部院各衙門官員面

奏畢大學士馬齊溫達張玉書陳廷敬李光

地禮部侍郎兼<sup>仍</sup>學士<sup>兼</sup>行<sup>事</sup>黑壽學士蔡升

元二格舒圖王之樞楊瑄宋大業以折本請

旨<sup>覆請</sup>大學士及<sup>仍</sup>鄉遵<sup>遵</sup>

旨<sup>會</sup>議<sup>會同九卿為</sup>截留漕米事<sup>所題</sup>行<sup>令</sup>總漕將本年江西起

運漕米內截留三十萬石湖南起運漕米內

截留四萬五千石湖北起運漕米內截留五

萬五千石分撥江寧蘇州松江三府各十萬

石常州府五萬石鎮江府揚州府各二萬五

千石將此項截留之米比時價稍減交賢能

官員平價發賣務令民需實惠一疏

上曰着依議行此項截留漕米於各府平價糶賣

將各部院所保司官各派一員速往料理刑部

<sup>又覆請</sup>

彙題案內為廟係藍旗薩穆哈佐領下護軍噶  
布喇用刀自刺緣由鞭一百永不給錢糧擬

罪事

上曰茲見護軍驍騎酒醉持刀逃亡者常常有之  
朕欲兵丁饒裕故增月糧護軍所支餉一年較  
官俸更多又給官馬乘坐給馬草料銀兩出獵  
行軍給官馬盤費不時賞賚且設立官庫以資

其吉凶之事免借徵息之私債而噶布喇猶謂  
難以自存醉酒自刺者必平時縱酒為非賭博  
之所致也此等之人總無顏面何足惜耶着將  
噶布喇交該管統領同刑部夾訊與何人飲酒  
何以花費情節嗣後有自刺逃亡者係護軍則  
交該管統領係小校驍騎則交該都統副都統  
會同刑部若飲酒則與何人飲酒逃竄則因何

故逃竄花費則向何處花費嚴行夫訊根究原  
由懲創其罪則此等妄行之人知所做懼矣爾  
等可以此傳諭八旗滿洲蒙古都統統領副都  
統滿洲部院大臣知之又馬齊等謹

傳聞都統李正宗及五保族人奉旨問  
旨察詢天保伯爵應何人承襲俾集都統李正宗

及其族人開列伊祖李永芳諸孫副都統李  
繩宗等五人呈內伏候

覽伏候

睿鑒裁奪并將部摺子呈覽并將部  
摺及議不准承襲天保伯爵原疏覆

請

上曰着削去恩詔所加拖沙喇哈番之職所餘二

等伯爵准李繩宗襲爵

是日

上詣

澹泊為德行宮問安

是日

起居注官徐元正海寶

二十八日丙子

二十九日丁丑



